



JABATAN PERKHIDMATAN VETERINAR

LAPORAN PEMANTAUAN MEDIA

17 MAC 2025 (ISNIN)

Budak enam tahun cedera dikejar anjing

MEDIA	RUANGAN	MUKA SURAT	TARIKH
Kosmo	Negara	14	17 Mac

Budak enam tahun cedera dikejar anjing

TAMPIN – Kanak-kanak lelaki berusia enam tahun cedera di muka dan kaki akibat terjatuh ke dalam longkang selepas dikejar sekumpulan anjing liar di Gemencheh di sini kelmarin.

Ibu mangsa, Sharina Rebuan, 35, berkata, ketika kejadian, anaknya, Muhammad Zhafran Abd. Rahim bersama dua sepupu dalam perjalanan ke rumah nenek mereka tidak jauh dari kawasan perumahannya di Taman Impian.

Dalam kejadian pukul 1.30 tengah hari, kanak-kanak itu sedang mengayuh basikal sebelum dua ekor anjing melintas. Mangsa yang ketakutan selepas dikejar haiwan itu cuba melarikan diri, namun terjatuh ke dalam longkang.

"Anak saya bernasib baik kerana ada jiran yang membantunya," katanya ketika dihubungi semalam.

Sharina memberitahu, dia

menetap di taman perumahan tersebut sejak 15 tahun lalu dan masalah anjing liar semakin menjadi-jadi sejak lebih dua tahun lepas.

Dianggarkan terdapat kira-kira 15 ekor anjing liar berkecilan pada waktu pagi, lewat petang dan malam di kawasan padang berhampiran.

"Sampai satu tahap kami takut hendak keluar rumah. Sekarang anak saya pula trauma.

"Pada tahun ini sahaja, terdapat lima kes dikejar anjing. Tahun lalu, ada penduduk yang digigit anjing liar, namun sehingga kini masalah ini masih belum selesai," katanya.

Sharina berharap agar pihak bertanggungjawab dapat mengambil tindakan menangkap segera anjing liar tersebut.

Susulan kejadian itu, Sharina membuat laporan di Balai Polis Gemencheh di sini untuk tindakan lanjut.



MANGSA mengalami kecederaan di muka dan kaki akibat terjatuh selepas dikejar sekumpulan anjing liar di Gemencheh, Tampin.

Budak enam tahun cedera, jatuh longkang dikejar anjing liar.

MEDIA	RUANGAN	MUKA SURAT	TARIKH
Utusan Malaysia	Dalam Negeri	9	17 Mac

Budak enam tahun cedera, jatuh longkang dikejar anjing liar

Oleh NOR AINNA HAMZAH
utusannews@redmulla.com.my

TAMPIN: Seorang kanak-kanak lelaki enam tahun cedera di muka dan lutut akibat terjatuh ke dalam longkang selepas dikejar anjing liar di kawasan perumahan di Gemenech, di sini semalam.

Ibu mangsa, Sharina Rebuan, 35, berkata, ketika kejadian anaknya, Muhammad Zhafran Abd. Rahim bersama dua sepupu dalam perjalanan ke rumah nenek mereka tidak jauh dari rumah mereka di Taman Impian.

Menurutnya yang bekerja sebagai pembantu kedai, kejadian berlaku kira-kira pukul 1.30 petang dan ketika itu, anaknya itu sedang mengayuh basikal di lorong taman perumahan ber-



MUHAMMAD Zhafran Abd. Rahim cedera di muka dan lutut akibat terjatuh ke dalam longkang selepas dikejar anjing liar di kawasan perumahannya di Gemenech, Tampin, Negeri Sembilan, semalam. - UTUSAN/NOR AINNA HAMZAH

kenan.

"Anak saya ketakutan apabila tiba-tiba ada dua ekor anjing liar melintas lorong berkenaan. Dua sepupunya sudah di hadapan, anak saya yang takut sebaik dikejar cuba lari namun terjatuh ke dalam longkang.

"Mujur jiran mendengar dan segera keluar rumah bagi membantu anak saya. Bagaimanapun, anak saya berjaya keluar sendiri dari dalam longkang tersebut, sementara anjing liar pula sudah berlari pergi," katanya ketika dihubungi di sini, semalam.

Sharina berkata, dia telah menutup kira-kira 15 tahun di

taman perumahan tersebut, namun, masalah anjing liar itu semakin menjadi-jadi sejak lebih dua tahun lalu.

Malah menurutnya, jika dihirung, terdapat sekitar 15 ekor anjing liar yang akan berkumpul sekitar waktu pagi atau lewat petang dan malam di kawasan padang berhampiran.

"Sampai satu tahap, kami semua takut hendak keluar rumah. Lebih-lebih lagi macam saya hendak hantar nak motosikal, memang takut, sekarang anak saya pula trauma.

"Tahun ini sahaja sudah lima kali kes dikejar anjing liar. Tahun lalu pula ada penduduk

yang digigit tetapi sehingga kini masalah ini masih belum selesai," katanya.

Menurut Sharina, dia amat berharap pihak bertanggungjawab dapat mengambil tindakan segera menangkap anjing liar atau memantau pemilik anjing supaya tidak sesuka hati melepaskan binatang peliharaan masing-masing sehingga menimbulkan ancaman kepada penduduk.

"Bagi kejadian terharu ini, saya sudah pun membuat laporan di Balai Polis Gemenech petang semalam bagi rujukan pihak bertanggungjawab," katanya.

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR